

Periodo 2013-2017 ta pa crea prosperidad y bienestar general



ORANJESTAD – Pa cu e siguiente 4 añanan di gobernacion, Prome Minister sr. Mike Eman ta kere cu comunidad den cantidadnan grandi a duna un aprobacion pa e diligencia y eficiencia den cual a traha pa e comunidad. Tur caminda rond Aruba por mira e resultado, unda cu tin scolnan

a wordo renoba, barionan renoba, den programan pa yuda esunnan den menos recurso, aumentonan di bijsstand, schoolkinder toeslag, reparatie toeslag. Aworaki ta papia di un periodo di 2013 – 2017 gabinete Eman por crea prosperidad y bienestar general pa henter e comunidad. Den tur sector economico, di

infraestructura sector social, pero den cada sector e prioridadnan cu a wordo poni pa e gobernacion entre 2009 – 2013 tabata visibel y e prioridadnan aki a wordo inicia cu un situacion di crisis cu e gobierno anterior mester a maneha. Na 2009 e momento ey tabata tin un caida di turismo di 10%, tabata tin un desempleo di 11%, den nos propio comunidad nos tabata tin pobresa, y no tabata tin dialogo cu partinan social.

SITUACIONNAN TENSO

Durante e temporada aki tabata tin situacionnan di tension cu Reino Hulandes cu ta afecta tambe e credibilidad y confiansa di mundo den Aruba, segun Prome Minister. Tambe por a mira tur rond di e pais deteriora, cu tabata pisa y penoso di e estado fisico di e pais, scol, bario, infraestructura, edificacion historico cu tabata den estado di deteriora. Na mes un momento tur hende por a mira un deteriora social, unda cu e poder di compra di comunidad a bay hopi atras durante e periodo prome cu 2009.

ASUMI

RESPONSABILIDAD DI GOBERNACION

Esey tabata e escenario di cual gabinete Eman a asumi e responsabilidad di gobernacion na 2009. Sr. Eman ta bisa, cu nan mester a maneha e crisis aki, nan mester a haci reforma grandi den e periodo di 2009 – 2010. E reforma aki tabata economico, reforma di fondo di pensioen manera esun di APFA/AOV, introduccion general pa cuminsa crea e base pa un estructura nobo social economico pa asina nan por a traha den direccion di un reconstruccion di e pais ariba tur fundeshi social y economico cu a wordo traha den 2011 – 2012.

DIFERENTE ACUERDONAN HUNTO CU

PARTNERNAN SOCIAL

Tabata tin diferente acuerdo grandi hunto cu partnernan social cu a wordo realisa, pa por a pone e fundeshi pa un recuperacion cu realmente na 2013 a cuminsa bira visibel tur rond di comunidad, segun Prome Minister. Coriendo rond por a ripara fisicamente den tur e renobacion di barionan, infraestructura di areanan pu-

blico cu a wordo crea.

Tur esakinan a wordo crea cu un perspectiva nobo tanto pa ciudadanonan den nan bario, pero tambe pa tur cu ta bishita Aruba. Tur e trabounan aki cu a wordo haci, tur hende por a mira un recuperacion hopi grandi durante e periodo di 2009 – 2013. E recuperacion aki no ta solamente den e sentido economico y fisico, pero e esfuerzo grandi cu a wordo haci pa inclui den e aspectonan cultural, comunicacion di e pais, y un sentido di participacion di ciudadanonan, segun sr. Eman.

Di tin tur esakinan e aspecto di recuperacion economico, recuperacion social, tambe den estado fisico, a contribui den un esfera di 2013 di un ambiente di inicio di un Aruba renoba.

TRABOUNAN GRANDI HACI

Trabounan grandi cu a wordo haci den gabinete Eman 1, y e ta e fundeshi cual nan ta construi e di dos periodo aki. Un fundeshi caminda cu ya no ta papia di un pais di crisis, sino un pais den recuperacion. Aki ta papia di un pais cu a pone fundeshinan nobo pa recuperacion. □

Loke ta principal pa gobierno ta e reapertura di refineria

ORANJESTAD - Desde cu e refineria a cera dos aña pasa, gobierno a bin cu un idea di haci esaki como un hub. Pero hopi hende mester a bay cas y dia den dia afo hopi ta puntra con a para pa habri e refineria bek.

Tur ta puntra si en berdad gobierno ta papia cu otro refineria cu lo inverti den esun di Aruba, ya cu esaki ta un pilar economico di e pais.

PAPIA CU PDVSA

Segun Prome Minister di Aruba, sr. Mike Eman, pa nan algo principal ta keda na e momentonan aki esfuersonan cu ta wordo haci pa e posibel reapertura pa e refineria.

Gobierno ta papando cu e refineria di PDVSA di Venezuela, segun Eman. Recientemente for di oposicion gobierno a tende cu nan no a papia cu e president di Venezuela. Gobierno tabata t'ey hunto cu e rey y reina, hunto cu e otro presidentnan.

Pero ampliamente el a papia cu presidente di Venezuela, pero tambe

cu Minister Ramirez kende tabata presente.

RAPORTA DI A PAPIA CU VENEZUELA

E ta sigui indica, cu no ta su persona so a raporta na esaki, pero cu Minister Timmermans a raporta despues di a papia cu representantenan di Venezuela. Durante e bishita di Prome Minister na Venezuela, ampliamente e aspectonan di e posibilidad di e refineria di Aruba pa PDVSA a wordo poni central riba mesa durante e reunion cu a wordo teni.

E reunion aki a wordo teni den presencia di Rey Willem-Alexander y Reina Maxima, segun sr. Eman.

DIFICIL PA PRONOSTICA DESAROYO

Ta keda algo dificil pa pronostica con tur cos lo desaroya, pero gobierno lo keda haci nan maximo esfuerzo, Valero tambe ta haci su maximo esfuerzo. Sinembargo nan a pone como meta principal cu banda

di cual sea e desaroyo di e situacion, Aruba tin un refineria cu ta un industria di transshipment na e momentonan aki.

KIER CREA UN DI TRES PILAR ECONOMICO

Pero gobierno kier crea un di tres pilar economico pa Aruba, cu ta basa riba servicio di conocimiento, cu lo wordo exporta. Hopi biaha hende ta puntra nan mes si esey ta un ambicion hopi halto pa Aruba, y con Aruba ta mira cu por exporta conocimiento. Segun Prome Minister, Aruba ta exportando conocimiento na e momentonan aki caba.

ARUBA TA WORDO RECONOCI

Ora di papia di ta den dialogo social cu cierto momento, cierto personanan di companianan di utilidad di sindicato kendenan ta bisa e Prome Minister di a wordo invita pa exterior pa duna guia den un proceso cu Aruba ya conoce caba, segun sr. Eman. Aruba ta wordo reconoci



caba den diferente area, unda cu a aplica conocimiento. For di region a bin caba diferente peticion pa e implementacion di henter e proyecto di renobacion di centro di ciudad, unda cu personanan a bin y mira un sala di exposicion. □